



Margrethe Thårup Andersen
Inatsisartunut ilaasortaq, Demokraatit
inatsisartut@ina.alla.gl

**Qaortup mittarfiani mittarfiup tallineqarnissaa pillugu § 37 naapertorlugu
apeqquteqaammut 2025-025-mut akissut**

Dato: 04-07-2025
Sagsnr.: 2025 - 10343
ID nr. 98312259

Asasara Margrethe Thårup Andersen

Inatsisartut suleriaasianni § 37 naapertorlugu Qaortup mittarfiani mittarfiup tallineqarnissaa pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqquut 1: Qaortumi mittarfiup sananeqaleruttortup tallinissaanut
misissuinissaq neriorsuutaasimasooq sumut killippa?**

Akissut: Ineqarnermut, Attaveqaasersuutitut Isorliunerusunullu Naalakkersuisoqarfiup 2024-p naanerani Greenland Airports A/S oqaloqatigaa. Greenland Airports A/S-ip pilersuisuutitaq aqutugalugu Qaortup mittarfiani mittarfiup tallineqarnissaanik naliliisitsinerani, sanaartornerup nalaani mittarfik sullissilluni ingerlaannassappat 285 mio. koruuninut naliliiffigineqarpoq. Tassalu mittarfik 1.500 meteriniit 1.799 meterinut tallineqarnerani. Missingiut taanna C-overslagimik taaneqarpoq, sukumiisumik misissuiffigineqartussaq. Maannarpiaq pineqartup sukumiisumik uppersarneqarnissaanut aningaasanik immikkoortitsisoqarsimanngilaq, imaluunniit Qaortumi mittarfiup tallineqarnissaanut aningaasanik immikkoortitsisoqarsimanani.

**Apeqquut 2: Naalakkersuisut oqaluuserisamut soqutiginaatilinnik allanik
paasissutissiinnaanerlutik?**

Akissut: Naalakkersuisuniit kommuni aamma Greenland Airports A/S ingerlaavartumik oqaloqatigineqarput, piffissamik eqquisinnaanerup pitsannguiffigineqarnissaa, aammalu aningaasaliisinnaasunik allanik nassaarniarnissaq eqqarsaatigalugit aaqqiissutissanik allaanerusunik periarfissaqarnerisooq paasiniallugu.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Aqqaq B. Egede